



Broj: 03/1-50-14-7-36/17

Sarajevo, 6.7.2017.

PREDMET: Informacija o sastanku članova Zajedničke komisije za odbranu i sigurnost BiH s Timom za stratešku reviziju mandata misije EU Althea, Sarajevo, 27.4.2017.

Članovi Zajedničke komisije za odbranu i sigurnost BiH su 27.4.2017. razgovarali s Timom za stratešku reviziju mandata misije EU Althea koji je predvodio Ramon Mestres Brugada, šef Odjela za Evropu pri Direktoratu za krizno upravljanje i planiranje Službe vanjskih poslova EU.

U ime Zajedničke komisije sastanku su prisustvovali Sifet Podžić, predsjedavajući, Bariša Čolak, Dušanka Majkić i Hanka Vajzović, članovi Zajedničke komisije za odbranu i sigurnost BiH.

Osim g. Brugade, sastanku su prisustvovali pukovnik Zbignew Kmicinski, komandant Štapske grupe u operacionom štabu operacije Althea, Janos Kenedrnay, Kyriakos Tzivris, šef vojnog osoblja EU zadužen za operaciju Althea, te Vesna Marinković, strateški planer za Operaciju Althea - politički savjetnik zamjenika komandanta NATO-a za operaciju Althea koja je i predsjedavala ovim sastankom.

Na sastanku su razmijenjena mišljenja o dosadašnjem mandatu operacije Althea u Bosni i Hercegovini.

Konstatirano je da je u proteklom periodu saradnja članova Zajedničke komisije s Komandom EUFOR-a u BiH bila izuzetno dobra i da su u međusobnom dijalogu razmjenjivana mišljenja o brojnim pitanjima značajnim za unapređenje stanja u sektoru odbrane i sigurnosti.

Tim za reviziju želio je od članova Zajedničke komisije čuti mišljenje o tome kako bi se mogla izvršiti revizija misije Althea te kako nastaviti s aktivnostima za stabilno sigurnosno okruženje, kako pomoći bh. institucijama da se dalje osposobljavaju i opremaju te da pomognu stanovništvu u slučaju elementarnih nepogoda i u kriznim situacijama.

Razgovarano je o daljnjem jačanju kapaciteta Oružanih snaga BiH, policijskih agencija te općenito struktura odbrane i sigurnosti gdje je više nego očito da treba obnavljati resurse, opremu i potrebnu infrastrukturu.

Razgovarano je i o trošenju budžetskih sredstava u sektoru odbrane i sigurnosti kao i o tome na koji način u budućnosti Misiju EUFOR-a u BiH prilagoditi aktuelnom trenutku i brojnim izazovima.

Predsjedavajući Zajedničke komisije
Sifet Podžić